

四庫全書

史部

欽定四庫全書

史部

欽定日下舊聞考卷六十四

詳校官庶吉士臣胡鈺

檢討臣德生覆勘

總校官進士臣程嘉謨

校對官中書臣葉元符

謄錄監生臣汪人瑞

欽定四庫全書

欽定日下舊聞考卷六十三

官署 二

臣等謹按六部公廨其在元代者閱時既久罕詳其處春明夢餘錄謂貢院為元之禮部太僕寺為元之兵部殆亦相傳云爾明永樂時吏戶兵工四部及鴻臚寺欽天監太醫院諸署皆仍舊官舍為之散處無序正統七年始各以行列方位次第改

建

本朝多因其舊焉詳見各條下

原吏部在闕東宗人府衙門之下西向

春明夢餘錄

原在  
城市

門今  
移改

增吏部在

皇城東宗人府之南設尚書滿漢各一侍郎滿漢各二

文選考功驗封稽勲清吏四司各設滿漢郎中員外郎

主事等官司務廳一

大清  
一統志



增吏部署明永樂十八年建

國朝仍其舊址大堂西向左司務廳右土地祠其南為  
文選稽勲二司北為考功驗封二司又稽俸廳督催所

皆在其左

吏部  
冊

臣等謹按吏部額曰公正持衡前列

訓辭曰能虛中之謂公能端己之謂正以才以器循名  
責實銓選之法莫重於此

世宗御筆也

欽定四庫全書

卷六十三

原明宣宗吏部歲周官六卿其長太宰統治百寮以熙功載漢設選部官置尚書有佐有屬代襲弗渝致治之本實資用賢甄拔簡任爾持衡銓爾惟敬之務公戒私善爾勿蔽才爾勿遺必黜愴邪必進忠貞用舍適宜治由汝興苟或貿貿弗博詢衆謀面而用弗究其內玉石不分臧否莫明治之弗興亦由汝成度德定位乃稱任使小知大受官罔不他精爾識鑒勵爾正直相予於治夙夜無斁官箴

原羅欽順吏部題名記畧吏部之稱於北京始自永樂辛丑迄今嘉靖壬午凡百有二年中間十六七年雖仍以行在吏部稱然大政所出固無改也故今題名之刻斷自永樂辛丑始如佐凡七十五人其在南京及辛丑以前之行部不與焉後來者可得而續書也整卷集

原紫藤花二株其一在少宰右署中吳文定公手澤也

其一在司廳左署中莆田方興邦古藤記畧曰吏部廳  
事左署有古藤一株鐵幹如椽兩兩相比盤薄輪囷而  
枝蔓扶疎緣攬直上不知誰所植也堂上左右廂有藤  
三株乃弘治六年長洲吳文定公為少宰時手植於今  
殆六十餘年圍而挈之不及茲藤三分之一然則樹此  
者殆百年矣

燕都游覽志

原吳寬詩手種朱藤已七年長條緣架每相纏只看  
葉密清陰覆忽報花多紫粉懸風下掉頭嫌一老雨餘  
舒眼眴三賢從今堆字詩還和寫入當時草木編自  
注吏部右廂前有朱藤一株予所種也 匏翁家藏集

以上四條原在  
城市門今移

臣等謹按吳寬手植藤今在吏部穿堂之右屋三  
楹曰藤花廳乃吏部長官治事之所惟寬詩自注  
云朱藤一株而今實二株蓋後人補植也左署古  
藤已不可見獨方輿邦撰記石刻尚存文選司庫  
後有萬歷二十年兵部職方司員外郎宣化蔣行可

跋

增吏部有水鏡堂冢宰長洲陸公所建而毛少宰澄為

之記今之南大火房是也

雜錄

臣等謹按吏部有許公祠在文選司考明史列傳許直字若魯如皋人崇禎七年進士除義烏知縣徵授吏部文選主事進考功員外郎都城陷賦絕命詩六章闔戶自經

本朝順治九年

賜謚忠愍

又按吏部後堂有明碑二一為萬曆壬寅重建吏

部正堂火房記禮部尚書馮琦撰一為衡鑑叟語  
萬曆辛巳獲澤王國光書文選司署內奎星像石  
刻一上有題詞不著姓名下有明歷科會狀題名  
俱漫漶又萬曆二十二年銓署公籍引石刻一尚  
書陳有年載其所購官書部目司務馬怡跋

臣等謹按以上各條叙吏部

原戶部在關東吏部之下西向

春明夢餘錄

原在城市  
明今移改

增戶部在吏部南設尚書滿漢各一侍郎滿漢各二江

南浙江江西福建湖廣山東山西河南陝西四川廣東  
廣西雲南貴州凡十四清吏司各設滿漢郎中員外郎  
主事等官而順天直隸及奉天所屬州縣則以福建山  
東二司分理之司務廳一

大清  
一統志

增戶部署

大清  
統志

國朝因明舊址建大堂西向司務廳在其左諸司屬以次分列江南貴州陝西湖廣浙江山東六司在左廊後南夾道內福建江西江南雲南四川廣西六司在右廊

後北夾道內山西廣東二司在二門外南北向又有南北檔房飯銀處俸餉處現審處督催所軍需局皆有公

廨在署內

戶部  
冊

臣等謹按戶部堂額曰九式經邦前列

訓辭曰周禮以九式之法均節國之財用職綦重焉尚其平準出納阜成兆民毋曠乃守

世宗御筆也

又按明代戶部置十三司



國朝增以江南為十四司諸司多明季題名石刻文已漫滅惟萬曆十八年雲南司主事張問仁題名記碑尚完好在今貴州司署內蓋本明雲南司舊署而今則互易其地者也

原明宣宗戶部歲君國之道子民為先黎庶既安邦本植焉相古地官賈爾之職均節惠和民乃衣食賦稅有經徃役有常民之所供舊典式張惟爾御佐暨乃攸屬庶幾夙夜恪謹乃服民克阜殷樹藝以著上下畢克何有卒殫惟公惟勤惟時惟允惟仁之溥而義之盡泰之有秩唐之宇文弼征暴括邦以不振爾惟鑒茲毋縱括克毋詭於隱毋欺於墨予惟爾任爾其懋哉尚友古人執德不同官歲

增正統七年設戶部太倉庫各直省派剩麥米十庫中  
綿絲絹布及馬草鹽課關稅凡折銀者皆入太倉庫籍  
沒家財變賣田產追收店錢援例上納者亦皆入焉專  
以貯銀又謂之銀庫

明史食  
貨志

增大庫在署東北緞疋庫在東安門內顏料庫在西安  
門內謂之三庫

特派大臣管理其郎中員外郎司庫等官於各部院揀  
調又有火倉在署西

大清  
一統志



國朝添設東作廠在東四牌樓四條衚衕南作廠在錢糧衕衕西作廠在鐘鼓巷千佛寺衕衕北作廠在北新

橋三條衕衕

戶部冊

增總督倉場公署在城東祿禧衕衕設於正統三年糧儲抵通分貯京通二處戶部侍郎或尚書總理之其公

署在舊太倉內

春明夢餘錄

增總督倉場公署在城東設侍郎滿漢各一員董其事

世宗御書堂額曰慎儲九穀通州亦有公署京城通州

各設倉又本裕倉在會清河

簡科道及各部郎中為坐糧廳內閣中書及部院監寺官屬為倉監督每歲差副都統及滿漢御史稽察之

大清

一統志

原曹慶吉重修京糧廳碑 國家歲漕東南曰百萬粟以實京邊特於戶部左右曹外別領以總督號曰後部而以倉部即隸之倉部舊稱東官廳嗣以總督裁漕歲五之一就邊軍便置通糧廳而東官廳改稱京糧廳總京倉五十有二分六司屬監督馬廳寢室南向堂東向額曰成裕東北築臺內有藏書室 博望山人獨

原在城內

門外移改

永定四庫全書

永定四庫全書

八

增朝陽門內有祿米倉南新倉舊太倉富新倉興平倉  
東直門內有海運倉北新倉朝陽門外有太平倉萬安  
西倉諸濟倉東便門外有裕豐倉萬安東倉德勝門外  
有本裕倉豐益倉又東便門外通惠河北岸有大通橋  
公署

戶部  
計

臣等謹按大通橋公署門東極有明夏言詩石刻  
尚存

補元於大都腹裏設稅務七十三處其在京城者猪羊

市牛驢市馬市果木市煤木所有宣課提舉司領之利  
網雖密然自酒醋而外若魚蝦藥果之屬以及書畫藥  
蒹草蓆篠帚輒瓦柴炭諸色燈銅鐵線麻絨苧綿草索  
麵貨皆為不合稅之物比於明崇文門稅課條目疎矣

稼堂  
雜抄

增成化二十一年令順天府委佐貳官一員於崇文門

宣課分司監收商稅

明會  
典

增弘治元年差御史主事各一員於崇文門宣課司監

收商稅六年今崇文門宣課司商稅止差主事監收不

必御史巡察

續文獻通考

增崇文門監督署在崇文門外街東又左右翼監督城

內各有公署

大清一統志

增左翼稅署在東四牌樓之西大街右翼稅署在西四

牌樓之東大街

戶部冊

臣等謹按以上各條叙戶部

原禮部在闕東戶部之南西向有嘉靖十五年秋欽定



大報諸記禮儀牌在寅清堂

春明夢餘錄

原宣德五年北京五府六部皆未建上以禮部所典者  
天地宗廟社稷之重及四方萬國朝覲會同皆有事於  
此遂首建之

明典

原宣德六年五月行在禮部成踰月上命寮屬入莅事  
賜什器百六十二刻禮部公用四字其上已而南禮部復  
析所藏書百二十部總二千八百冊以實之

劉忠隱集

以上三條原在  
城市門外移改

增禮部在戶部南設尚書滿漢各一侍郎滿漢各二儀制祠祭主客精膳清吏四司各設滿漢郎中員外郎主事等官司務廳一鑄印局會同四譯館附焉

大清一統志

增禮部公署

國朝仍明舊址建門左為鑄印局右韓昌黎祠堂之南舊儒士廳今改督催所北為司務廳儀制主客二司在左祠祭精膳二司在右

禮部  
冊

臣等謹按禮部堂額曰寅清贊化前列



原揚士奇勅建禮部賜宴碑畧宣德六年十月北京  
新作禮部成其地在大明門之東西向中為正堂堂之  
側為司務廳前為周序為中門為前門正堂之後為後  
堂左右為賓客之位後為庖庫堂序之外為四屬儀制  
主客在左祠祭精膳在右鑄印在中門之左既成命京  
師諸司長貳咸往落之命光祿賜宴臣伏覩未作禮部  
之光有司以上所居宮殿庫隘請拓地改作上卻其奏  
暨禮部成有司復請改作宮殿且言治材已具上曰朕  
夙夜求民之安今天下匹夫匹婦豈皆得所而何暇於  
自求佚又却其奏皆大禹薄自奉而所勤者民之事所  
致飾者宗廟朝廷之禮與皇上聖心異世而同符矣是  
役也重禮為先務而再卻有司之請聖德之大者臣謹  
備書之

東里集

原視日儀刻石禮部寅清堂前

明世廟  
識餘錄



本朝順治年間改建兵部督捕公署者也至國初所設行人公署在正陽門外大柵欄有司正司副行人

### 等官屬禮部後裁

原行人司行人初置三百六十員今存三十六員  
園雜記

原明宣宗行人司箴 法古建官以熙於治國之行人實承周制慎簡髦士俾居俾藏朝有命令肅肅用將有客有章必敬必飭毋為奇袤毋為貪墨載馳驅周原諮諏靡及之懷益遠弗渝克篤念茲不忝于士不忝于世  
國有聞于世官箴

原四夷館在玉河橋之西永樂五年十一月始設命禮

部選國子監生蔣禮等三十八人隸翰林院習譯書人  
月給米一石遇開科令就試仍譯所作文字合格出身  
置館於長安左門外處之

燕都遊覽志

原洪武十五年命侍講火原潔譯蒙古文字譯字官隸  
本院始於此永樂中學士楊榮掌其事宣德元年命本  
院學士稽考課程弘治初奏准科目出身四品以上二  
員提督自後提督官例用太常寺卿及少卿

翰林記

原景泰三年八月改造四夷館先是譯書子弟俱於

東安門外廊房肄業至是提督譯書郎中劉文等請

建館於廊房之南隙地從之

明景帝實錄

以上五條原在城中門今

改移

### 增會同四譯館

本朝以禮部郎中兼鴻臚少卿銜提督之並典務廳正  
教協教序班隸於禮部凡八館曰西天曰暹羅曰回回  
曰八百曰高昌曰西番曰緬甸曰百譯舊設譯字生九  
十六名今酌留八名

大清一統志



臣等謹按提督四譯館舊制加太常寺少卿銜館舍在正陽門外楊梅竹斜街乾隆十三年奉

諭歸併禮部會同館即以其地改稱會同四譯館其提督官始易以郎中而兼鴻臚少卿銜焉

增明會同館在玉河橋西

國朝改設會同四譯館其外有朝貢使人之館舍三一在宣武門內京幾道衙門一在宣武門外橫街一在東

江米巷御河橋

禮部  
冊

增典樂禮部滿尚書兼之各部院內務府堂官知樂者  
簡用無定員掌五音六律以合陰陽之聲所屬有神樂  
和聲二署掌儀司鑾儀衛樂並隸焉

大清會典

增樂部公署在景山西門外迤北道西乾隆七年創建

禮部  
冊

臣等謹按以上各條叙禮部

原兵部在闕東宗人府後西向

春明夢餘錄

原在城市門今移改

增兵部在

皇城東宗人府後設尚書滿漢各一侍郎滿漢各二武選職方車駕武庫清吏四司各設滿漢郎中員外郎主事等官司務廳一其外有會同館隸焉

大清一統志

### 增兵部公署

國朝因明舊址建大門西向門內南為會同館大堂五楹武選職方二司在其南車駕武庫二司在其北又司務廳督催所稽俸廳皆在大堂左右二堂五楹中有照壁刊周禮大司馬法一則猶明代物又楊繼盛祠在武

選司又職方司內明時遺礮三位其一高尺有八寸徑四寸餘各高尺五寸徑三寸五分質尚完堅今安設關

帝廟中

冊 兵部

增兵部舊有督捕公署本舊行人司署在西長安門外本朝順治十一年特設一侍郎主之佐以理事官及郎中員外主事司獄等官專詰八旗逃丁與窩逃者並察緝盜賊康熙三十八年裁併刑部

同上

臣等謹按兵部堂額曰整肅中樞前列

訓辭曰司馬之官為樞衡重任國家武備修明道在整肅是所望於司其職者

世宗御筆也

原明宣宗兵部箴部以兵名實古司馬詰是戎兵以國華夏凡厥武臣疇過叙勲乘馬在厔考牧用蕃車駕輿服城戍郵驛守經制宜皆爾之職董之以御承以衆察簡畀維賢庶其昭昭爾宜懋茲敬共朝夕顧諟弗忘以熙庶績書有明訓儆戒無虞茲用教享其可勿圖怠則襲政貪則亂法毋為泄泄毋為沓沓職所宜為式克慎修福祿攸集永孚於休思古良臣鞠躬盡瘁用是作箴以勵有位官箴

原永樂六年八月設北京會同館改順天府燕臺驛為

之

明成祖實錄

以上二條原在  
城市門今移改

臣等謹按明代會同館之制永樂初改燕臺驛為  
蠻市之地為之其後又有北館南館之設皆以處  
遠使也

本朝於城內外建置賓館三所秩宗掌之又併四譯於  
禮部會同館規制具備至明之諸館已廢惟大興  
縣東王府街會同館專屬兵部為牧養驛馬之地  
猶永樂時舊館也今錄之兵部條下以識其緣起

而明之會同各館以類附見焉

原正統六年九月命於玉河西堤建房一百五十間以

館迤北使臣七年二月造會同館

明英宗實錄

原弘治三年二月英國公張懋上言京城原設兩會同

館各有東西前後九照廂房專以止宿屬國使但北館

有燕廳後堂以為侍燕之所而南館無之每賜燕止在

東西兩照房分待徧迨不稱乞勅工部將近日拆卸永

昌寺本料改造燕廳於南館從之

明孝宗實錄

補自京師達於四方設有驛傳在京曰會同館在外曰水馬驛并遞運所北京會同館永樂初設三年併烏蠻驛入本館正統六年定為南北二館北館六所南館

三所明會典

補北會同館在澄清坊大街東正統六年蓋造弘治五年改作共房屋三百七十六間南會同館在東江米巷玉河橋西街北亦正統六年蓋造弘治五年改作共房屋

三百八十七間

兵例

以上四條原在  
城市門今移改



增會同館在大興縣東王府街明永樂六年改順天府  
燕臺驛為之今為在京牧養驛馬之所有館大使

清一大

志 統

臣等謹按以上各條叙兵部

原刑部在皇城西與都察院大理寺並列為三法司

明春

錄 夢餘

原正統七年十一月建刑部都察院大理寺於宣武街

西 明英宗  
實錄

原國初比部之制分為十二其雲南隸陝西部永樂間  
安南內屬置交趾司折雲南四川之交為貴州置貴州  
司方定都之初百務草創率皆權寓莅事今城隍廟西  
惜薪司俗呼舊刑部是也

彭惠  
安集

以上三條原在  
城市門今移改

增刑部在

皇城西設尚書滿漢各一侍郎滿漢各二直隸奉天江  
蘇安徽浙江江西福建湖廣山東山西河南陝西四川  
廣東廣西雲南貴州督捕凡十八清吏司各設滿漢郎

中員外郎主事等官司務廳一司獄司附焉以主事提

牢又有贓罰庫秋審處

大清  
一統志

### 增刑部公署

國朝即明錦衣衛故址移建大堂壁間舊有錦衣衛題名碑  
後燬於火堂東向直隸奉天二司在堂左右左廊湖廣廣東陝  
西三司右廊河南山西山東江西四司及司務廳在二門外江  
蘇安徽福建浙江四川廣西雲南貴州並督捕司凡九在南  
夾道內督催所在江西司稍北西南西北二隅各置獄曰南北

所北所圍垣東大榆樹一株傳為明楊繼盛手植云

刑部  
冊

增律例館以滿漢司員提調纂修五年一編緝

會典  
大清

臣等謹按刑部堂額曰明刑弼教前列

訓辭曰司寇掌邦禁明刑所以弼教也必輕重咸宜始  
成協中之化慎守爾典欽哉毋忽

世宗御筆也

臣等謹按律例館舊在西長安門外歲久漸圯乾  
隆三十七年移建於太常寺後

原明宣宗刑部箴 聖人制刑輔治弼教掌邦之禁惟  
仁之臨咨爾刑部卿佐暨屬惟公乃明惟明能燭匪廉  
弗公勉篤於行惟敬惟慎毋忘良矜死獄求生何昔之  
德移情就律何今之刻深文巧詆實民之賊如鑑如衡  
刑乃弗忒毒威以逞下情鬱堙私意以行枉直失真司  
命之寄毫絲罔僻罪疑惟輕庶鮮冤抑天不可違民不  
可同斷不可續應則如響徃體予仁欽  
哉勿渝庶幾祥刑有永令譽 官箴

增嘉靖七子王李輩同官西曹建白雲樓相聚論詩一

時目刑部為外翰林於鱗句有諸山城上出落日署中

寒元美歌有儻問曹中理公事君其且看西山碧

漫堂詩詔

原刑部福建司軒曰甘露貴溪江以潮為郎時甘露降

於軒柏作記刻碑碑僅三尺萬歷庚子四明馮若愚移

砌軒前壁中

耳談

原彭惠安韶在刑部司舊有五顯廟公命碎其象易以

清獻趙公神主

西園聞見錄

以上四條原在  
城市門今移改

臣等謹按明時刑部在長安街西今俗呼刑部街

者是也

國朝遷建後其地已廢白雲甘露諸遺蹟亦皆無存今  
刑部治事之所榜曰白雲蓋第數典徵名而非復

當時之故址矣

臣等謹按以上各條叙刑部

原工部在闕東戶部之後西向

春明夢餘錄

原在城市門今移改

增工部在

皇城東戶部後設尚書滿漢各一侍郎滿漢各二營繕

虞衡都水屯田四清吏司各設滿漢郎中員外郎主事

等官司務廳一

大清一統志

增工部公署

國朝即明舊址建大堂西向營繕都水二司在左廊虞衡屯田二司在右廊司務廳在大堂之左料估所在堂右堂後為督催所其堂官視事之所亦曰藤花廳枝幹

幼蟻與吏部相彷彿第不傳為何人所植也

工部  
冊

臣等謹按工部堂額曰敬飭百工前列

訓辭曰五材是飭六府孔修繫冬官攸掌綜理核實審度程功其悉體此意

世祖御筆也



原明宣宗工部後虞舜之世垂若百工暨於成周乃  
設司空漢制水衡將作少府備物致用必謹其度我朝  
建官列次六卿率屬有四各成於成凡諸繕作儀品有  
秩辨其指良去華就實凡歿有位宜慎其官順理而治  
勿苛以殘山澤之利羽毛蟲革金銀丹漆墜木與石為  
所當為毋耗於財速所當急毋殫其力毋縱已私縱則  
召當毋溺於爾溺則取敗必矣必勤必施以公百役具  
宣惟爾之功其懋哉視古仁智率履勿愆用保棣位

低官

原工部居六曹後任進者令局視之嘉靖間興大工添  
設工部官比曩時數倍營繕司尤盛郎中多至十餘員  
得驟升京堂或有先賜四品服者人始慕之而為語曰  
馬前雙馬後方督工郎馬前雙者提馬後方者杭也

聽說

補劉麟為工部尚書奏建節慎庫與臺臣全典出納自

是財無濫用

萬姓  
統譜

補嘉靖八年二月工部尚書劉麟上言本部設立衙門之時原有大庫一座規制頗宏在本部之後有堂二重并大牆限隔但有中正大路前通臣等相度本庫之北循鑿駕庫外牆而行正與東朝房一間相對查係兵馬司官住其房年久損漏可以改為門道庫官庫吏亦不必增添本部所屬皮作局其務甚簡可以改為庫官架

閤庫吏并匠科典吏俱可改為庫吏庫門責委虞衡司  
掌管其未盡事宜聽臣等臨事損益具奏得旨允行麟  
又上言庫藏既立當揭額定名以垂久遠本庫所貯本  
以奉國之公似當名曰奉公之庫若求設庫本意不宜  
濫興工作以節為本不宜橫取悖出以慎為尚名曰節  
慎意義亦通疏上定庫名曰節慎

春明夢  
餘錄

以上四條  
原在城市

門今  
後改

增北京節慎庫金銀元寶各一蓋鎮庫之物以梯登其

上其邊尚高於人上刊永樂九年字

查浦  
輯聞

原文思院在舉場衙衙屬工部屯田司官有大使副使

長安

客話

原正德四年閏九月遷文思院於安仁廠隙地以成造

軍器數多舊院空僻嘗被盜故也

明武宗  
實錄

原六年七月改建工部文思院於東城明時坊以舊置

地卑沮如不便改作故也

同上  
以上三條原在  
城市門今移改

增節慎庫在署東製造庫在長安右門外丙丁戊三庫

在西長安門內皆屬焉

大清一統志

臣  
等謹按節慎庫

本朝因明舊址建復。翔建製造庫所屬分五作。曰銀作。曰鍍作。曰皮作。曰繡作。曰甲作。其職掌與前代文思院相類。又惜薪廠在宣武門外。砲子庫在左安門內。濯靈廠即鉛子庫與火藥局俱右安門內。

原寶源局在城東石大人衙衙石亨舊宅也亨誅宅沒入官嘉靖中以賜仇鸞鸞敗復沒入官因改為鼓鑄公

署益鼓鑄一事其初惟屬工部至天啓二年始添寶泉

局屬之戶部而工部所鑄微矣

卷明夢  
餘錄

原在城市  
門今移改

增寶源局在朝陽門內西南新增一廠在崇文門內泡  
子河滿漢侍郎各一總之滿漢司官各一為監督又大

使二員

大清  
一統志

原正德三年六月開設神木千戶所先是朝陽崇文門  
外大木廠二調鎮朔永平遵化等三十四衛所軍士千  
人護視神木至是軍士陳志等奏往來勤苦乞比蕃牧

嘉蔬事例改設一所兵部覆奏從之

明武宗  
實錄

原七年三月革神木千戶所

同上

原十年六月復設神木千戶所於朝陽門外從太監張

銀請也

上同

補工部設五大廠一曰神木廠在崇文門外額發軍千名辦工一曰大木廠在朝陽門外即獐鹿房廠也辦工軍數與神木同凡各省采到木植俱於二廠堆放大木廠則兼收葦席一曰黑窑廠一曰琉璃廠燒作磚瓦及

內府器用一曰臺基廠堆放柴薪及蘆葦又有五小廠  
曰營繕所木工也曰寶源局金工也曰文思院曰玉恭  
廠俱絲工也曰皮作局革工也其外別設三廠曰北窯  
曰南窯曰鐵廠主範金合土之事後廢止徵地租銀貯  
節慎庫與料價同用

明永軒  
日記

以上四條原在  
城市門今移改

增琉璃廠黑窯廠柴廠煤炭廠木廠皆分遣司官監督

大清  
一統志

臣  
等謹按琉璃廠



本朝仍其舊制黑窰殿今裁俱詳見城市卷中

補北京工部廳前有鐵軌相傳為石季倫家舊物庫中有玳瑁簾橫數尺其長倍之四旁縫以錦繡又有玳瑁席經緯相錯若莞與蒲不知何代物先君子為屯田郎

日嘗言之

鴻一亭筆記

原在城市門今移改

臣等謹按高承埏鴻一亭筆記所載工部廳前鐵軌已莫詳其處至簾席諸物亦淪失久矣

又按以上各條叙工部

增理藩院在玉河橋東長安街南向

本朝特設掌外藩蒙古及喇嘛事西域平定凡回部伯克皆隸之設尚書一侍郎二及郎中員外主事筆帖式等員皆用滿洲并蒙古人

大清一統志

臣等謹按自平定兩金川以來凡各土司入

覲之職亦隸於理藩院云

增理藩院署舊在刑部北後移今處分典屬王會旗籍柔遠徠遠理刑六司司務廳一銀庫司庫附焉

大清一統志

臣等謹按理藩院堂額曰宣化遐方前列

訓辭曰盛代聲施赫濯無遠弗届遐方屬國共効享王  
務在弘宣德化以盡懷柔之道

世宗御筆也

臣等謹按以上各條叙理藩院

原都察院在皇城西

春明夢餘錄

原在城巾門今移改

增都察院左都御史滿漢各一人左副都御史滿漢各  
二人監察御史京畿道河南道浙江道山西道陝西道

湖廣道江西道福建道滿漢各二人江南道滿漢各四  
人山東道滿漢各三人四川道廣東道廣西道雲南道  
貴州道滿漢各一人經歷都事滿漢各一人

大清  
會典

臣等謹按都察院原設有左僉都御史一人乾隆  
十年議裁

增都察院在刑部北掌河南道別有公署在其西本京

畿道署也

大清  
一統志

增督催所查旗處皆在署內穿堂後

都察  
院冊

臣等謹按都察院堂額曰都俞吁咈前列

訓辭曰言路以都俞吁咈勉之則上不虧於天下不失人臣事君之大義故書尚書都俞吁咈四字賜之聖祖御筆也

又按明都察院在長安街西之刑部街今署之在西長安門外者乃

本朝即明通政司舊署改建明嘉靖乙未通政司題名碑一通在大堂左已剝落不可辨矣舊制各道以

河南為首乾隆二十年改制首京畿道與河南道互易其署今京畿署之在大堂右者即故河南道也江南山西二署在堂左廊浙江江西四川廣東雲南貴州六署在堂右廊陝西湖廣二署在二門外之左山東廣西二署在二門外之右福建道署在內堂後堂左為經歷廳穿堂之北為都事廳惟河南道署別在刑部之南本京畿道署俗猶呼京畿道衙云

增

聖祖御製臺省箴 臺省之設言貴斯專寄以耳目寧  
取具員通明無滯公正無偏黨援宜化畛域宜捐洞達  
政體斯曰能賢古昔諍臣風規凜然訐謏謹論垂光簡  
編朕每覽繹如鑑在懸居是官者表裏方直精白乃心  
充廣其識國計民生臧否黜陟凡所敷陳敬將惓惓風  
霜之任以懲奸慝搏擊之威以儆貪墨毋撫細務苟塞言  
職毋紛成憲妄逞胸臆書思入告當宁對揚沽名匪正

營私孔傷或藏嫌怨謬為雌黃受人指囑尤為不臧形  
諸奏牘有玷卑囊職司獻替亟宜審詳敬爾在公風紀

嚴廊箴詞用勗誕告聯常

大清  
一統志

原明宣宗都察院箴 歷代建官皆有御史任之耳目  
委以綱紀糾違經愆激濁揚清用獻嘉言惟直與明祖  
宗之制有長有貳其下之屬凡有十四教達民隱舉察  
官邪必究大體毋刻毋頗必由中道毋過不及毋以順  
違毋以勢懾敦仁之存篤義之行冰霜之清松柏之貞  
凡爾憲臣敬慎以勗庶幾朝政資爾以肅姸姸緘默徒  
取充位職是用弛國則何賴必端諸心  
必修諸已庶懋爾績庶輔予理 官箴

原徐階京畿道題名記 御史以監察為職出入中外  
激揚刺舉無避大吏京畿道又在十三道之右為特置



馬說者謂始以舍都御史領之後乃易以御史之久次  
考然其沿革不見於會典而今兩京畿道印其一有文  
曰洪武元年造則其領以御史也久矣豈舍都御史之  
說乃洪武永樂間事御史其定制歟嘉靖丙午今中丞  
王君某以御史視道事值署舍為雨所圯修復之既而  
稽前之蒞茲道者其姓名往往不得存喟然慨文獻之  
湮沒也於是即所聞見扁之署中而請余記其後御史  
堯君某今廷尉魏君某張君某太僕酈君某御史邢君  
某繼至遂相與勒石題名以申前請予惟周朝建立諸  
司條理品式燦然備具而又以文案嚴照刷之條重理  
沒違枉規避之罰期以杜吏欺餘守法故每省必命御  
史董之而是道之設則又居京師重地凡六曹五府暨  
百司庶政文案之與刷咸屬焉故其文移之體視諸道  
有加益重其任俾得行其法也及其久也吏既視以為  
常而御史間亦習於姑息遂刷者舉其一或遺其二為  
刷者詳於細或畧於大而當時建署設官之良法美意

且將為彌文故事日以隆失則前此姓名之不存復何怪哉今諸君精明剛毅成克舉其職而肆其餘力搜羅前人列之貞石將俾來者指其名第其政於以審淑慝之辨其慮遠矣然予又聞今世文人學士往往重史籍而於文卷則詆為鄙俗至却去不欲觀夫文卷視史籍雖其文不同然而國之故實與夫賢人君子經世佐時之具民生政治休戚興替之由舉於是在其有資於見聞政理宜無不同而輕重之若是其異是大惑也嗚呼士誠知文卷之不可鄙則其從事於照刷有不思盡其心以舉其職者乎

世經堂集

原御史差委在內則京畿刷卷及巡視京營提學巡倉  
巡庫巡視光祿清恤鹽課在外則巡按清軍刷卷巡鹽  
巡河巡關巡茶印馬屯田遇有征行則特遣監軍紀功

西垣 以上三條原在  
宋記 城市門今移改

原入端門內則六科也東曰闕左門在東松林會推處

也西曰闕右門

燕史

原六科直房在午門外東西相向初在掖門內之西與

內閣相對所謂六科廊是也以災移外直房

春明夢餘錄

原都下有諺語云吏科官戶科版刑科  
紙工科庠兵科卑隸禮科看

宙載

以上三條原在宮室門今

移改

增六科在

午門外東西兩廊吏戶禮西向兵刑工東向吏科迤北  
恭勒

聖祖御製并書臺省箴清漢碑文各一通與都察院同

冊六科

臣等謹按六科掌印給事中滿漢各一給事中滿  
漢各一筆帖式二十有五舊制六科無所統雍正  
二年始

命以科隸都察院

原明宣宗六科歲國家建官內外有制給事之臣霖  
過廷臣爰準六典分科置員各司其務有簡有繁命全  
之出於汝紀之章奏之入於汝度之考其得失舉其惡  
戾釐革欺蔽以贊予治敬共朝夕無縱以逸無易以忽  
必茲以密達夫大體由乎至公維汝之賢光奮於庸帖  
威以聘不率正道汝知不賢辜亦自造自昔適臣左右  
承弼正人自資邪佞必斥其篤念哉母  
苟充位往端乃志以懋乃事官歲

原宣德十年九月置六科度閣文書之所於承天門外

明宣宗

實錄

原殿試進士文華殿讀卷畢內閣填寫黃榜各官散出  
宮坊以下與執事者是日赴兵科觀唐人十八學士圖

詞林典故

原閣立本畫十八學士一卷於志寧贊沈存中跋惜楮  
剥落其畫法與近時所傳全不同當時真蹟卷藏山西  
蒲州監生魏希古家嘉靖癸卯甲辰間希古攜以遊京  
師京山侯崔都尉以二百金購之不與是時邊患孔棘  
希古因條陳邊事并以此卷封進意圖進用疏入不省  
以其疏并卷俱發兵科此卷遂留藏科房

太岳集

原殿試次日詞林詣兵科一飭觀唐人十八學士圖相

傳為故事畫皆立像上署銜名末有沈括跋問所從來則嘉靖間蒲州監生魏希古條陳兵事兼進此卷疏既

下并此卷俱發兵科遂留至今云

王堂  
蒼記

補唐書褚亨傳武德四年太宗為天策上將軍寇亂稍平于宮城西作文學館下教以大行臺司勳郎中杜如晦記室考功郎中房玄齡于志寧軍諮祭酒蘇世長天策府記室薛收文學褚亮姚思廉太學博士陸德明孔穎達主簿李元道天策倉曹參軍事李守素王府記室參軍事虞世南參軍事蔡允恭顏相如著作郎攝記室許敬宗薛元敬太學助教蓋文達軍諮典籤蘇昂並以本官為學士七年收卒復召東虞州錄事參軍劉孝孫補之薛收傳收卒王哭之慟其後國學士像歎其早死不得與蓋間立本圖像褚亮為贊乃七年以後事司馬

公通鑑并以圖像為贊載入武德四年故有薛叔而無  
劉孝孫誤矣閻立本學士圖句在兵科其所畫者收耶  
孝孫耶惜不可得而以上六條原在  
見也竹素辨謫宮室門今移改

臣等謹按明張居正太岳集楊士聰玉堂薈記載  
兵科所藏唐閻立本十八學士圖今已久佚

原吏科題名記吏部尚書靈寶許讚撰文戶科題名記  
禮部尚書南郡張璧撰文禮科題名記禮部尚書內江  
張潮撰文兵科題名記吏部左侍郎泰和歐陽德撰文  
刑科題名記吏部左侍郎華亭徐階撰文工部題名記



翰林院修撰新都楊慎撰文

人振垣鑑

原在宮室門今移改

增巡視五城御史每年輪差公署在正陽門內迤西五城兵馬司在外城設指揮一副指揮一吏目一分轄於

五城御史

大清一統志

增中城署在兵部窪東城南城署在正陽門內西城下道北西城署在高碑衚衕北城署在紅井衚衕中城正指揮署在鷄兒衚衕副指揮署在猪市口西吏目署在北蘆草園東城正指揮署在花兒市副指揮署在朝陽

門外鷄市口吏目署在東河漕南城正指揮署在清化寺街副指揮署在永定門外吏目署在東打磨廠西城正指揮署在彰儀門大街副指揮署在阜成門外吏目署在西便門內北城正指揮署在菜市口鐵門副指揮署在德勝門外吏目署在椿樹三條衚衕

都察院冊

臣等謹按兵馬司副指揮衙署舊在城內乾隆三十一年移置城外

原舒芬東城公署記 御史之巡視東城者舊有分署在南新倉之西前為堂三間後為寢三間左右廂成一

間其正面為牆廡亦偏側其門在西南隅西向書號火  
房然湫隘御史多弗居之遂賴弊厯茲年所曾無改作  
之者以京朝官私署欲近朝多卜於西城是特為休舍  
而巡視者且歲易耳甲申楊君惟賢職是城乃大葺於  
心以每日則有內外八坊人民置置之所當飭水陸商  
販竹木之所當識軍民捕還奸慝之所當給每月則有  
七十二衛官軍俸糧之所當給每歲則有東西四百萬  
石糧運及漕吏漕卒幾千萬人之所當稽糾茲公移私  
賕日不啻千人伴就西城次且侯司則近者十餘里遠  
者四十餘里計其徃迴則尤速者日奔走百里寒而瘕  
暑而喝風雨飢罷之侵凌人大不堪顧分署不可居簿  
書無所貯欲榮茨而便之而巷街阨塞不可結駟矧日  
萃千百人以下命令則非所以尊瞻視肅風紀也乃因  
舊址增修牆廡為私署以居家人於其右買民地若干  
步建正堂三間為公署堂之前為牆其庭除縱廣若干  
步可置一旅其左為廂房三間以貯簿書以寓府史廂

之南為小門一間以入私署其石稍却為門屋五間中  
一間稍高為正門西向兩掖為屬吏候館垣於外而反  
向除馬以達市喧以屬耳目掖之北為小屋三間以休  
輿皂浹月工告成事會之則凡地之費若干木石之費  
若干梓匠陶瓦之費若干然非取諸民也諸臣舊設修  
司戶揚君惟賢不他役之耳故甘心焉子來而木石之  
有不足則內總督太監某戶部監督主事某又稽諸修  
倉美材而贊成之美輪美奐其可以稱察院哉既而揚  
君欲以此意告夫來者來問記予以是役也固以見惟  
賢舉措不苟之一端然勞一身以逸千萬人亦今之賢  
者所惜也宜特  
記之  
梓谿集

臣等謹按以上各條叙都察院

原通政使司在太常寺南東向

春明夢  
餘錄

補登聞鼓院在西長安門小廳三間東向傍一小樓懸鼓俾寃民擊之每日科道官各一員錦衣衛官一員輪司其事民有寃抑有司不為審理具狀通政司又不為轉達審實列其狀以聞

春明夢餘錄

增通政使司在西長安街南北向通政使滿漢各一副使滿漢各一參議滿漢各一知事經歷附焉又登聞鼓院在長安右門外舊設滿科道各一掌之雍正二年併

於通政司

大清一統志

臣等謹按通政司堂額曰慎司喉舌前列

訓辭曰夙夜出納虞廷所重銀臺職在納言實膺喉舌之司可不慎歟

世宗御筆也

原明宣宗通政司箴 通政所司實古納言出納政令  
用名厥官有虞之聖后龍是職周仲山甫亦謹朝夕君  
為元首首臣則股肱篤念如子維彼庶民崇卑一氣流貫  
無間有過勿流體乃為患爾職於斯必敬必忠命必下  
究情必上通說殄行師用震驚爾謹爾明予治乃成  
維樞維機維喉維舌爾飭無怠庶倣在列官箴 原  
在城市門  
今移改

臣等謹按明通政司署

國朝改為都察院其今署之在長安街路南者乃移建之地亦因明代官廨為之但佚其名耳

又按以上各條叙通政司

原大理寺在都察院南

春明夢餘錄

增大理寺在刑部南東向卿滿漢各一少卿滿漢各一

有左右寺丞評事諸職司務廳附焉

大清一統志

臣等謹按大理寺堂額曰執法持平前列

訓辭曰廷尉天下之平也持平則法當一切輕重出入  
矜慎用能洽好生之德致刑措之風

世宗御筆也

又按明大理寺署其地距舊刑部街當不遠其跡  
已湮廢無考今署乃

國朝移建傳為明南鎮撫司故址

原明宣宗大理寺箴 有虞用士弼教明刑秦漢相繼  
廷尉是稱命曰大理由景之世暨於今茲一以輔治列  
之九卿有翼有承鑑空衡平視獄之成簡於五辟以正  
刑罰維過斯宥維義之合刑不可續死不可生惟爾是



愚其可不務也簡明慎審戒欽恤故事勿違乃德之吉  
惟官惟反惟賢惟來終遠不復乃禍之階粵昔蘇公式

敬由教以長王周永命攸屬鳴呼若人

官歲

補大理寺廨舍有怪石棄置溝中因復舁置臺端高四  
尺許兩峯角立一竅中通錦紋粲然誠天壤奇物也

素園 以上二條原在  
石譜 城市門今移改

臣等謹按明林有麟素園石譜所載大理解中怪

石今已無存

又按以上各條叙大理寺

欽定日下舊聞考卷六十三

欽定四庫全書

欽定日下舊聞考卷六十四

官署 三

原宣德七年八月行在太常寺奏永樂中本寺寄處故  
元萬壽宮承慶堂祭器神帛品物皆貯於內請別建置  
上諭工部尚書吳中曰太常專奉神明亟尋潔淨之居  
徙之

明宣宗  
實錄

原太常寺在皇城西後府之南東向中為崇正堂萬厯

中董其昌為寺卿改書寅清堂扁後堂左右為官舍堂  
後為香帛庫庫北為浴堂南為柴庫右為祭器庫

春明夢  
餘錄

以上二條原在  
城市門今移改

臣等謹按太常紀要謂寅清堂董書真蹟已失今  
所懸者乃後人補題猶仍其名耳又寺內有明代  
題名碑禮部尚書于慎行撰文今尚存

增太常寺在西長安門外都察院之北滿漢卿各一少  
卿各一寺丞滿漢共三博士滿漢共三讀祝贊禮郎典

簿筆帖式庫使滿漢共五十餘人

大清  
統志

臣等謹按太常寺公署

國朝即明舊址建堂左博士廳其前有漂牲庫科神祠  
右典簿廳其前有關帝廟及土地神祠堂額曰祇  
肅明禋前列

訓辭曰禋祀貴明潔凡鐘簋豆籩洎裸薦興俯之節罔敢不祇肅

世宗御筆也雍正元年始

命大臣總理寺事嗣經

奏准與鴻臚寺皆歸禮部滿尚書兼管

原明宣宗太常寺歲為國之要事神理民太常典祀式交百神昔予祖考致嚴祀享厥有純誠敬恭協相朕承丕緒思用先迪爾祇爾肅以輔以翼儀度必飭染盛必潔無黷無慢凜乎對越事神之本惟心之虔豈直臨事平居有藏神之鑒矣來敬來止神之歆矣民之福矣無曰冥冥洋洋有臨汝惟懋哉其慎其欽官箴

原太常寺在後府之南典簿廳附焉外有神樂觀犧牲

所各祠祭署亦隸之

明一統志

以上二條原在  
城市門今移改

增神樂署東嚮正中凝禧殿後顯佑殿殿後袍服庫典

禮署奉祀堂左門東通贊房恪恭堂正倫堂候公堂南轉穆倫堂右門東掌樂房協律堂教師房伶倫堂北轉

昭倫所

大典會典

增洪武二年置神牲所四年神牲所革立犧牲所永樂

中建於京師是後倉與牲房遞加焉

太常紀要

增犧牲所建于神樂署之南南向五楹為

大祀牲房

即正  
牛房

左三楹

太廟牲房有東晾牲亭及穀房右三楹

社稷牲房有西瞭牲亭及糖麥倉兩倉之北為山羊房  
西北羊房又北有穀倉豆倉有看牲房正牛房之北為  
官廨廨東兔房鹿房前亦為瞭牲亭又前石柵欄官廨  
西為小倉東羊房後有新牛房及後牛房

養中祀  
小祀牛

皇上視牲日大臣止其中西羊房後為

大祀猪圈西房為中祀小祀猪圈亦有瞭牲亭又北為

草廩

太常  
紀要

臣等謹按祀牲舊隸太常寺飼養乾隆二十六年



始隸內務府每年

欽派大臣監視之

臣等謹按以上各條叙太常寺

補元時翰林院以金烏珠第為之歐陽楚公詩翰林老

屋勢深雄猶是金家兀术宮是也

瀛洲道古錄按烏珠滿洲語頭也舊作

兀术今譯改  
原在城市  
詩從原文  
門今移改

原鰲峰者國史院庭中石名也伯寧御史為僕言自其

先公時與諸老名勝賦詩者蓋數百篇今玉堂無本而

御史家具有之

道園學古錄

原在宮室門今移改

臣等謹按元之翰林國史院屢經遷徙至順間賜居北中書省舊署析津志稱院內古木繁陰蔚然森樾者是也自後遂為定制其地在鳳池坊北鐘樓之西鐘樓又在中心閣西俱見析津志按中心閣址為今之鼓樓則元之翰林院在今鼓樓迤西與今翰林院無涉第皆為玉堂故實今就原書所引按時代先後編入又析津志云南省北省乃金時

二稅賦宰相之莊曰南相莊北相莊據此則元之北省後改翰林院者為金時北相莊烏珠亦稱北相莊可互證也

原翰林院在東長安門外北向其西則鑾駕庫東則玉

河橋元之鴻臚署也

春明夢餘錄

原在城內  
今移改市

臣等謹按據瀛洲道古錄元時無鴻臚寺官名但有侍儀司又析津志侍儀司署在都省之東水門之西南倉之前今按都省即元之中書省以尚書

省改設所謂南省也南倉即元之太倉亦見析津志其跡雖皆不可考而以金水河水門按之元時署在其西今則當其西北蓋明時展築南城水門遂徙而南而署廨之縈帶玉河則自元迄今未改也

補孫氏春明夢餘錄謂翰林院本元之鴻臚署焦氏玉堂叢語載宣德七年以故鴻臚寺為翰林院考元史百官志止有侍儀使無鴻臚所云故鴻臚寺當是永樂年

間所建爾

瀛洲道  
古錄

臣等謹按據元史百官志侍儀使之使當作司析  
津志同其稱使者則司中之一官耳

原翰林院在玉河西岸四夷館隸焉

明一  
統志

原國初建官以本院為近侍衙門故公署雖在外而僚  
屬相聚恒在館閣洪武初建翰林院於皇城內學士而  
下晚朝即宿其中扁之曰詞林永樂中行在本院官仍  
在禁內供奉不別立公署正統七年八月詔建於長安

左門外玉河西岸而東岸則為詹事府馬正堂三間中  
設大學士侍讀學士侍講學士公座左為史官堂右為  
講讀堂首領官房在儀門之外之右嘉靖戊子始建御  
製五箴碑於敬一亭亭樹於堂之南左則劉文定井井  
之外為蓮池右則柯竹巖亭亭之前為土山

殿閣詞  
林記

以上二條原在  
城市門今移改

增翰林院掌院學士滿漢各一侍讀侍講學士及侍讀  
侍講滿漢各三修撰編脩檢討無定員典簿孔目待詔



寶座列

御屏

上臨幸時所御也

翰林院冊

臣等謹按翰林院儀門左有掌院學士題名碑堂

內恭懸

聖祖御書道德仁藝額左右列橫屏各一左曰整齊嚴

肅右曰中正和平無款識歲月後堂左右壁恭勒

乾隆九年



皇上御製示諸臣詩

增後堂東西屋二楹為藏書庫院內東偏有井覆以亭

曰劉井西偏為柯亭

翰林院冊

臣等謹按據後條焦竑玉堂叢語云清風亭下鑿池蒔蓮則柯亭當在池上今以後堂院內對劉井者當之非其舊跡矣

增自後堂而南門內為敬一亭

翰林院冊

臣等謹按敬一亭中恭貯

聖祖御書賜陳廷敬龍飛鳳舞四字及昇平嘉宴詩石刻各一壁間磐石刻

皇上柏梁賡韻詩及東壁圖書府四十字分韻詩左右碑亭各一舊碑則明嘉靖間所頒敬一亭箴范浚心箴程子視聽言動四箴也

增自劉井而東為清秘堂堂前為瀛洲亭亭下方池為鳳凰池池南為寶善亭堂後為成樂軒

翰林院冊

臣等謹按清秘堂

上臨幸時更衣於此恭懸

御書集賢清秘額舊為東齋房以

賜額易今名

增自柯亭而西為

先師祠祠南為西齋房又南為原心亭

翰林院

臣等謹按西齋房舊為

皇清文潁館後又為功臣館乾隆三十八年於院署置欽定四庫全書館原心寶善二亭及西齋房皆為校讐

之所遂移功臣館於狀元廳

原宣德七年六月賜御製翰林院箴今揭于院之後堂

朱髹榜字用金塗之

殿閣詞林記

補翰林院設于長安門外為齋宿委積之所內有東閣  
學士聚焉為朝退會揖之地史館為講讀史官所聚集  
皆無公座至修史之日旋設十館于東角門之右事竣  
去之

震澤  
長語

原宣德七年以故鴻臚寺為翰林院落成諸殿大學士

皆至學士錢習禮不設西楊南楊座或問之應曰此非三公府也三楊以聞上命工部設座禮部叙位次二楊始自內閣出坐諸學士上

玉堂叢語

補建置官署必立土穀祠翰林院所祀昌黎伯韓子也古稱鄉先生歿而祭于社夫以土穀名祠亦祭社之義宜以鄉先生主之京師燕地竊謂祀昌黎伯不若易以常山太傅嬰也

西神以上五條原在  
勝說城市門今移改

臣等謹按自乾隆九年重脩祠宇已分昌黎土穀

為二祠矣

原京師翰林院門左右各積有飛沙高三四尺並桓柱  
若短牆然微風一動則全起出入者厭之世廟中掌院  
某嘗令除去官條罷謫幾空沙還積如故或以為形勢

宜爾

燕山  
叢錄

原第三廳史官廳也又曰槐廳即今翰林院正廳之西

偏史官所居是也

猗山  
集

原嘉靖五年十月上製敬一箴及注范浚心箴程頤視

聽言動四箴頒賜大學士費宏等宏等疏謝請勅工部

于翰林院築亭立石以垂永久從之

明世宗實錄

原七年二月敬一亭成

同上

原劉井學士劉定之所浚在公署後堂之左柯亭學士柯潛所建在公署後堂之右前後二間凡八楹後堂有

二柏亦潛所種

翰林記

原柯潛既綜院章就詞林後圃結清風亭亭下鑿池蒔蓮決渠引泉公退偃坐其中翛然若真登瀛洲者

玉堂叢語

原廖道南遊翰林院見有亭一區曰柯亭有柏二株曰

柯學士柏歎曰流風遺澤令人永矢勿諼

同上

原瀛洲亭在翰林院內堂之右故有隙地一區萬歷秋麓

為方池構亭中央額曰瀛洲池逼近玉河隄聞先是亦

常引河水一勺入池而今遂湮塞無敢以上請者

燕都遊覽志

補唐秘書省壁有薛稷畫鶴郎餘令畫鳳賀知章草書  
宋初玉堂後廡二間悉畫烟嵐曉景北壁則董羽水巨  
然山屏風則燕肅山水易元吉畫猿及獬迨南渡後學  
士院地迫皇城號為窄隘然紅蕉畫壁山水嵌屏其中  
石渠石橋蓮葉鶴砌且有松坡菊徑蘭畦楸洲藥洞無  
不雜植花果蓋著作之庭似宜與尋常官舍稍別明之



翰苑難嘗鑿池引玉河橋水蒔蓮而棠梨桃李之屬未  
有一本亦異乎季筆之志陳騷之錄矣 荅湖日纂

原寶善亭三楹在翰林院東偏軒牕虛豁旁臨玉河環

蔭喬木學士大夫靜觀之所也

原翰林院尊道堂修吉堂瀛洲亭寶善亭原心亭成樂

軒大小門牕竹簾鈎俱工部器皿廠辦送

原楊晉菴守隨掌翰林院之後庭有巨柳數章參天

蔽日民之輸廩米者欲曝於庭患柳陰之翳之也請伐

其最鉅者公不許作伐老柳賦示意

原甲戌五月翰林院中吏舍有白燕一雙獻之內閣又

池中蓮花早開相君并以獻上溫旨諭答之

穀城山房筆塵

原萬曆二年翰林院中白燕雙乳輔臣以獻進兩宮並

賞焉

長安客話

原南昌張直閣位在翰苑嘗上疏請令史官行人奉使

四方各求遺書一部送國學翰林收藏得旨先行

穀城山房

筆塵以上十五條原在  
城市門今移改

原翰林直房在右闕門內錦衣衛直房之次凡三間每

早朝時諸閣老分坐北楹諸學士居中楹其餘居南楹

侯門吏報三鼓乃俱赴左掖門

瑞綴錄

原在宮室門今移改

增乾隆八年冬

上以翰林院署歲久傾圯

詔頒太府金重加修葺九年十月

御書稽古論思集賢清秘二額顏其堂并

賜古今圖書集成一部貯寶善亭

勅所司諏吉日送掌院大學士鄂爾泰張廷玉進院

上親臨錫宴以張說東璧圖書府五律字為韻

上賦東字音字二首勅諸臣各分一字賦詩又以人數為字所限未能徧及從臣

命復賦栢梁體一篇

上首倡諸臣依次分韻俾凡籍翰林及既改官晉秩而舊為翰林者皆與焉凡百六十有五人

詞林典故

增乾隆九年

御製東字音字詩二首 乾隆九年十月重葺翰林院

落成車駕臨幸錫宴送大學士掌院事鄂爾泰張廷玉  
進署以張說東壁圖書府五律字為韻賦東字音字二  
首勅諸臣各分一字賦詩 撫序權居北占星壁在東  
斯干歌翰苑於樂宅儒風改殿當年異登瀛此日同三  
台司道筦二老亮天功樂具卿雲奏筵開湛露融底希  
光舊史長此贊微躬 木天臨翠輦駕侶集華簪廣學  
心常切因文道可尋橫汾陰豈昔來泮水猶今禮樂於  
焉盛觥罍取次斟詩慙得珍字辭喜獻官箴返轡重城

暮猶聞歌誦音

增又

御製柏梁體詩首句 重開甲子文治昌

佐文贊治資賢良

大學士伯臣鄂爾泰以

聖繼

聖垂經常

大學士伯臣張廷玉

於赫

太上示清行

大學士伯臣福敏

繩武弼基繫我

皇

大學士臣陳世倌

四聰四目開明堂

大學士臣史貽直

野無遺賢始

悅康

禮部尚書  
臣任蘭枝

梗楠杞梓松柏桑

兵部尚書  
臣彭維新

珣玕

琪映璆琳瑯

刑部尚書  
臣張照

從龍從虎雲風翔

工部尚書  
臣汪

由敦葭徵王管迨初陽

左都御史  
臣劉統勳

集賢落成隆楠柰

吏部侍郎  
臣阿克敦

連延窳窳以輝煌

戶部侍郎  
臣梁詩正

老槐蔽景

綠庭廊

倉場侍郎  
臣彭樹葵

奪暑却寒溫又涼

兵部侍郎  
臣王承堯

法

度既備丹雘彰

兵部侍郎  
臣陳惠華

諄誨故老宜徜徉

刑部侍郎

臣錢陳羣

展也宴寢凝清香

工部侍郎  
臣德麟

將作入奏報克

襄

工部侍郎  
臣呂熾

帝曰朕其鴻厥慶

內閣學士臣宗室塞爾赫

來遊來歌雅所臧

內閣學士

臣德新

況今二老民之望

內閣學士臣秦蕙田

爰飛

神翰拂縑綃

副都御史臣勵宗萬

金壺墨瀋流淋浪

宗人府府丞臣任啓運

璇題雙賁日月光

通政使臣數文

仙毫雄健擺礪礪

通政使臣張若霽

筆勢一落千丈強

大理寺卿臣高壽

勁力外英神內藏

詹事

臣張鵬翀

點蹲芒玉磔迴同

太僕寺卿臣劉綸

金薤倒披貫柳

魴

詹事府御史臣嵇璜

鸞鶴交翥上銀潢

左通政臣張映辰

煙雲舒

卷難形相

右通政臣鄧時敏

榮光屬天莫可量

少詹事臣裘曰修



未許常侍擬登床

侍讀學士  
臣世臣

飛白賜蘇讓美芳

侍讀

學士  
臣于振

矧乃仙巢署蒼筤

侍讀學士  
臣陳邦彥

吉日庚午日

之剛

侍讀學士  
臣徐逢震

遂移

天展下閭閻

侍讀學士  
臣龔勛

警蹕駭顧陞楯郎

祭酒  
臣龔容安

龍鸞

和鈴鏗復鐃

祭酒  
臣崔紀

揚金錢而拖玉鑲

四譯館少  
卿臣余棟

雲罕俾倪導纓纓

順天府府丞  
臣鄭其儲

葉葉秀文覆儀鎧

太僕寺少卿  
臣陳其凝

紛敷旖旎從風揚

鴻臚寺卿  
臣梅穀成

歷天梢

星耀日鉉

光祿寺少卿  
臣竇啓瑛

紫煙烜燁御道黃

庶子  
臣周賁陳

瀛池儼立千鴛鴦

侍讀臣雙慶

金紫銀艾簪截肪

侍讀臣周

玉八門升階和以莊

侍講臣觀保

吉輝真氣溢圓方

侍講

臣雙頂

六章五綵蔥衡瑯

諭德臣興泰

如天啓門日在房

洗馬臣李文銳

馮翼孝德瞻顥印

候補洗馬臣陸宗楷

王多吉士咸對敷

中允臣于敏中

尊師九拜謁

素王

中允臣董邦達

迴過劉升憩東廂

贊善臣宋楠

昌黎文伯社茲

鄉司業臣鶴年

北門學士奠椒漿

司業臣陳世烈

編鐘鼓鼓韶

獲網

左參議臣薄海

崇牙樹羽虞趙趙

右參議臣吳應枚

高管噉

嘯龍耶凰

編修臣阮學濬

象鳳翼笙班管長

編修臣僧格勒

玖瑰

作柱朱絲張

編修臣沈文錦

翻簫繁會相低昂

檢討臣鍾音

繞

風停雲慨矣慷

編修臣陸嘉穎

人聲諧律相和倡

編修臣白瀛

分刊節度窮窳茫

編修臣周煌

欣與人心犁然當

編修臣路

斯鳥為拊翼魚閭防

檢討臣德保

如軒張樂洞庭旁

編修

臣秦勇均

元臣稽首鳴珩璜

檢討臣周長發

敬上千秋萬歲觴

編修臣周正思

于胥樂兮無怠荒

編修臣栢謙

一獻百拜禮則

詳

編修臣張映斗

朱虎熊羆與爰斯

編修臣任端書

雖雖肅肅濟

濟蹠

編修臣林蒲封

炊金饌玉出禁坊

編修臣萬年茂

太清紅雲

員嶠霜

編修臣李龍官

翠濤醪醕醑醑醑

編修臣曹秀先

拒妝蜜

餌有饒饒

檢討臣韓彥曾

猩唇旄約雋翠腳

檢討臣周禮

越駱

茵和陽撲蘆

檢討臣郭肇鎔

江橘夢袖常山棠

編修臣錢琦

遠

方口實導擇將

編修臣董泰

鼎中變化尹對湯

編修臣宋邦綏

微纖精妙大官湘

編修臣姚廷祐

炙三弋五應未嘗

編修臣葉酉

帝歌卿雲宮繞商

編修臣王居正

八伯咸進拜手颺

編修臣汪師韓

韻

得燕公五字章

編修臣金相

聯吟更仿漢柏梁

編修臣孫人龍

式膽

天藻萃圭璋

編修臣  
潘乙震

圓龍方虎排明璫

編修臣  
楊述曾

日星胸

迴錦繡腸

編修臣  
徐景熹

薰風晨露相頡頏

編修臣  
湯大紳

燭龍

銜曙光四煬

檢討臣  
廖鴻章

衝波激岳聲將將

編修臣  
蔡揚宗

昭

融至道若雨暘

編修臣  
王覺蓮

天光下濟濡荑芒

給事中  
臣鍾衡

五色秀華流戴匡

給事中  
臣程鍾彥

披條振藻六藝場

給事中  
臣楊二酉

風來鼓舞物蒼蒼

給事中

中臣  
盛修

鐫勒琬琰傳膠庠

給事中  
臣王興吾

流播樂府諧

笙簧

給事中  
臣周祖榮

從臣才藝花發萼

給事中  
臣鄒一桂

駕駘

步武龍騰驤

給事中  
臣胡定

蓬萊望見風引檣

給事中  
臣馬宏琦

桃開鬱水滿磅礴

監察御史  
臣包祚永

聖涯游泳涵絃滄

監察

御史臣  
李清芳

森不可即空傍徨

監察御史  
臣孫灝

乃知

天文元氣航

監察御史  
臣吳文炳

聖處不須一葦杭

監察御史  
臣張漢

雕蟲篆刻宜慚惶

監察御史  
臣馮

東  
仁越玉五重厠匏瓠

監察御史  
臣范咸

分爰立仗老肅爽

監察御史  
臣張孝捏

泰華千仞登跛牂

監察御史  
臣楊開鼎

學優得文

愧應瑒

監察御史  
臣馮元欽

春蘭秋菊雜藏莢

監察御史  
臣歐堪善

風

松奚用引蜩蟬

監察御史  
臣沈景潤

迫窘詰屈走踣僵

監察  
御史

臣沈廷芳願歸夜讀發青箱

無吉士臣  
邵齊燾

攷獻二酉羅三

倉

無吉士臣  
實光弱

天祿石渠居就糧

無吉士  
臣凌鎬

易參肅弼

詩申長

無吉士臣  
羅暹春

斟羹濟哉飫膏梁

無吉士  
臣田沆

研味

道腴棄粃糠

無吉士臣  
胡澤潢

博聞為饋貧之糧

無吉士  
臣王世

仕學海萬里去鳴榔

無吉士臣  
王太岳

珊瑚結網麗鯨鱗

無吉士  
臣朱標

寧甘決起搶榆枋

無吉士臣  
張泰開

不離省闈希

文彊

無吉士  
臣姚範

溫恭朝夕莫或遑

無吉士  
臣劉炳

煙霞浹

玉雪裝

庶吉士 臣 孫廷槐

効愚千慮一贊勳

庶吉士 臣 朱佩蓮

中

夜起舞不能忘

庶吉士 臣 德保

聖人端拱垂衣裳

庶吉士 臣 蔡時田

調和玉燭握珠囊

庶吉士 臣 徐璋

淳風湯穆恩滂洋

庶吉士 臣 經開

鈴轄不動矢直狼

庶吉士 臣

王鉞化被萬國通狼臙

庶吉士 臣 杜若拙

遠致赤兔來白羴

庶吉士 臣 戚格

不但蠻夷與戎羌

庶吉士 臣 顧汝修

皇仁旁奄風泱泱

庶吉士 臣 戈岱

上天降豐歲其穰

庶吉士 臣 劉錫齡

六氣無易盛德禳

庶吉士 臣 閻沅



琦  
十雨五風絕旱蝗

庶吉士臣  
覺羅泰寬

引恬引養無胥戕

庶吉士臣  
惠元士

除茲休明敢不費

庶吉士  
臣金洪

旁招俊乂匪

其彭

庶吉士臣  
蔣辰祥

渙羣元吉馬匹亡

庶吉士臣  
叢中芷

橘徠

服兮甘在瓢

庶吉士臣  
周孔從

素絲五絨風羔羊

庶吉士  
臣王康

佐  
朝黻永無鷄味妨

庶吉士臣  
廖芳蓮

泰交一德凜復隍

庶吉士臣  
陳桂洲

永膺萬福儲千祥

庶吉士臣  
熊為霖

天人和樂

未渠央

庶吉士臣  
黃遇隆

冬日晏溫下紅牆

庶吉士臣  
熊元龍

夏

然清韻傳風篁

庶吉士臣  
張日譽

六龍迴跋搖鏤錫

庶吉士臣陸樹本

拜送遙瞻豹尾槍

庶吉士臣周人

騏

都人抃舞喜若狂

庶吉士臣周燾

作歌賡拜追虞唐

庶吉士

士臣程景伊

不數橫汾與長楊

庶吉士臣邱柱

寥彼蕭斯零露

灋

庶吉士臣陳大猷

恩深如海奚以償

庶吉士臣出科聯

玉堂盛事垂無疆

庶吉士臣儲麟趾

增又

御製是日復得詩四首并示諸臣

歡騰芸署小陽春

此日崇文引席珍顧我慙為房杜主豈伊獨數馬鄒臣

石渠典故應增舊壁宿光華更覩新影麗花磚爭到八  
儘教沾醉酒三巡 瑞旭瞳矐霽扇鸞筵開翰墨會衣  
冠五車四庫從來紀劉井柯亭次第看玉版揮毫盈鳳  
沼花瓷賜茗擘龍團濟川自古資舟楫便欲因尋學海  
瀾 昌辰天祿集鵷聯欣詠斯千小雅篇鳥革翬飛躋  
君子誦詩講易共高賢光凝黼座垂華藻篆繞猊爐散  
瑞煙咫尺玉堂親切地底誇瀛島說登仙 百年禮樂  
慶昭融保泰常持惕若衷漫以新詩鳴豫大誰將忠告

贊欽崇傳巖夢賚應無藉唐室賡歌訝許同心喜百僚

知我意不將高議詡升中

按唐書張說倡封禪議帝召說與禮官學士置酒集仙殿

云云改其時諸臣詩中有高議侍升中及將陪玉檢泥之句夫以崇儒之雅舉德遂滿盈之私志非朕所取惟有兢兢業業與日俱長頌不如規我君臣其共勉之

原明宣宗翰林院箴廷有司言自周則然後世襲用愈密而重策命所書講學所資幾務之嚴于度于治代有賢哲傳文明識克勵翼之用光厥職咨爾儒臣朝夕左右必端乃志必慎乃守啓沃之言惟義與仁堯舜之道鄰孟以陳詞尚典實浮薄是戒謀義所屬出莖乎外必存大公罔授于私昔人四禁汝惟勵之獻納論思以匡以益以匹前休

欽哉無斁

官箴

原周子義重修翰林院記 長安門之左厥基南峙厥  
向北拱者其位置也門之內為儀門為堂為後堂堂之  
左右為二廳後堂之左右為二室學士諸僚之所登而  
依也堂之兩廂有齋若干楹庶吉士之所居而習也堂  
之後為敬一亭宸碑峙焉羣僚之所瞻而仰也亭之  
左為先師堂羣屬之所禮而拜也 交翠軒佚稿

補蕭端蒙敬一亭頌 維皇御寓建中於民聖敬日躋  
一德孔純乃作訓辭垂之世世乃勦堅砥用昭勿替誕  
隆厥制有亭覆之倬彼雲漢昭回于茲維亭翼翼  
翼萬世之式維碑我我永言無泐 同野集

原虞集詩 視草堂前石一拳何人移置自何年久憐  
翠色連重地故拔孤根近九天俯仰百年承雨露等閒  
千尺接雲煙故鄉御史遺書  
在為綠黿峰舊賦篇 同上

原歐陽原功詩 鰲山六月少蚊蠅 四壁松風動畫綃  
長貳聚聽清激骨 一人人繫一條冰 翰林老屋勢深

雄猶是金家元木宮定鼎初年曾  
作者至今門徑風池通圭齋集

原表稱玉署越峰歌女媧五色餘刀圭化為蓬萊東  
海之虹蜺神君方瞳怒凝睇不如百鍊精鐵來從西方  
奎日有三足烏其光映闕苑海有三足鼇神仙簸靈漚  
吐吞出沒無定時一叱使之來玉墀大承虛星小扶銀  
漢黼黻帝裳追琢廟璫森嚴最屬鎮帝署百鬼卻走不  
敢侮其或敢侮海怒絕其緒燦若珊瑚枝煜煜三秀姿文  
理密察儼素樸乎尹旁達歲元機我昔坐其側耳冷心  
仿徨經旬卧向壁夜夢天孫手授雲錦交龍章漆書詰  
並傳古昔中有寶珠舌無跡散之六合捲如席視之不  
見聽以息元氣氤氲龍馬興文茲石點首詔爾小臣慶  
非煙露出如絲紛矢心濡筆靡有數  
萬古作式永無極清客居士集

原馬祖常詩視草堂前白書運瀛洲仙子到來時問  
鈴不響文書靜相對鼇峰日賦詩石田集

原又題史館 畫省真仙居華屋 映丹樹青石倚闌干  
松髮沐雲霧 綺疏刻連錢 承塵繪翔鸞 中有河漢文  
夜讀寶光聚 玉函黃金鑰 太史自侍御 河上一豎儒  
伊吾誦章句 偶超彤庭詔 詞林通天路 雖樂文雅懿  
終慚紬

繹誤

同上

以上五

條原在宮室門今移改

臣等謹按元時翰林院在今鼓樓以西非今之院  
署已詳前條今并類編虞集以下各詩備一代掌

故云

原李東陽學士栢詩序 翰林後堂之後有雙栢焉學  
士竹崑柯先生所植也先生當天順甲申奉詔授庶吉  
士業東陽辱在十八人之列後三年為成化丁亥先生  
實掌院事乃植茲栢其初僅三尺強耳及先生以少詹

事終制于莆被召不起而卒越三十年柏已踰二丈鬱  
然對峙其風致不減于昔而幹格有加弘治癸丑東陽  
為太常少卿兼侍講學士踵先生故事乃以此題課諸  
吉士于是顧清士廉革二十二人人賦一歌感舊懷賢  
各極思致弋陽汪俊抑之有一日百匝行樹底之句悵  
然感之續為一章以畢未盡之志欲彙書成帙遺先生  
之子中書舍人宗文因循在苒又六七年二十二人者  
亦已物故復多散處僅得十有餘篇勒為一卷詩云我  
行樹陰日百匝雨葉風枝自蕭颯惟有諸生識我情旁  
人不解空嘲狎我見先生種樹年我身尚短樹及肩枝  
蟠江山地可縮手幹造化天無摧瓊臺翠閣何森爽院  
柳庭花敢爭長花蔭長留六月陰盤迴直與孤雲上材  
堪五鳳難為用根到九泉終不枉零落青袍幾故人琮  
琤玉佩空遺響當時院長文安公柯亭剝片相西東百  
年遺愛豈獨此此樹欲比人中龍樹猶如此我何似已  
媿斑白非兒童名收橡栢有先後壽比金石無終窮下堂



再拜想顏色仰面正梯長軒風懷麓堂集

學士李東陽程敏政張庶吉士至院門會簿悉註病

似而去乃賦一絕云回廊寂寂鎖齋居白日都消病歷餘竊食大官無寸補瀛洲亭上勸醫書春明夢餘錄

沿開宿煙生暮雨新水長秋苔地向蓬萊近波分大波來憑軒多真氣疑在白雲隈八科館課

原沈自郇原心亭詩天地空茫茫吾生亦須臾何為

幸世網連令白日但高齊掩岑寂相對惟檣梧松風颯

寒聲庭草亦已枯萬籟皆歸寂迴然見真吾人心方寸

間周之盈八區身因閒居適境與秋水俱端坐無所營

宴息聊為娛沈修撰集

原無名氏原心亭詩

鬱鬱松樹枝肅肅冬日陰孤亭

宏且敞乃在鳳池得鳳池起人寰萬籟無一音暫息塵

中轍同解俗慮侵端坐起宇宙掩帙忘古今頃令羣動

祛見此方寸心金門足大隱

豈必謝纓簪八科館課

原黃仲熙翰林院南新開三園詩 玉堂有隙地清職  
當南隅方春度微雨草色成荒蕪今年開三園於以種  
嘉蔬間雲作畦壠引水疏溝渠縱橫數十品生意盈階  
除朝來零露滾綠葉清陰敷菜根有真味頗勝膏粱腴  
嚼之苟不厭百事俱可圖律哉  
信名言千載當即模 未軒集

原李東陽採桑玉堂陰詩 采桑玉堂陰分蠶長安郭  
一勞累百枚再分連數箔寧知富貴地此物能沃若  
采桑玉堂陰陰濃樹婆娑一采不滿筐竟日  
能幾何乃知富貴地不及窮山阿 懷麓堂集

朱彝尊原按今院中先師廟庭古桑尚存當即西

涯所賦也

增錢龍錫初入翰林院述志詩 皇風被奕葉師濟協  
重熙妙選金閨彦登茲白玉墀 慚予寒畯士何幸沐恩

私就將彌日月模範承師資雕蟲既云拙溫飽非所思  
獨此葵藿心耿耿誓不移念昔皇祖日講藝恒孜孜天  
顏咫尺密室奉時咨褒德信多補臣忠實任茲顧問  
久寂寞替芻蕘委蛇四郊漸多故啓沃効者誰所願回  
宸照堂庶路不歧 魏餘存稿  
原岳正禁臆引燭詩 禁城傑立已昏黃忽訝鑒與到  
玉堂直欲踉蹌趨几席其如顛倒著衣裳當臆蓮炬分  
紅映滿室蘭煤散暖香已喜恩光耀今古況將經術侍

君王 類博稿

原程敏政玉堂散直圖詩 金殿當頭玉堂署十二朱  
廊隱宮樹衣冠濟濟堂中人猶是前時起居注門下斜  
連金水河石橋五壘橫蛟鼉叩閣不許外人到揆冊時  
見諸王過奎文上應圖書府插架連籤照令古同遊咫  
是十洲仙下界紛紛半塵土邇來新詔開中堂儲才聖  
訓何洋洋日令三館坐羣芳應制往往催詩章從容退  
食龍樓外松下傳餐解簪帶光祿之酒大官羊終歲天

厨有佳資官壺卓午漏未央旭日半下城西牆出門跨  
馬一分手續步不知歸路長  
簞墩集 以上十五條

原在  
城市  
門今  
移改

增康熙九年初置

起居注館於

太和門西廡五十六年停館雍正元年復設

日講起居注官滿六人漢十有二人滿主事二人滿筆  
帖式十有四人漢軍筆帖式二人十二年增漢主事一  
人乾隆元年增滿

日講起居注官二人

大典會

增

起居注官均兼

日講官自掌院學士詹事以下坊局編檢以上皆得以

原官充補

上同

增記注冊籍書明月日及該值官姓名每月滿漢文各一冊至次年按月排纂冊中用翰林院印鈐縫貯以鐵匣歲十二月題明記注官會同內閣學士藏之內閣大

庫

詞林典故

增明初甲辰年設起居注秩正四品以宋濂魏觀為之  
吳元年改正五品後革十四年復設改正七品以單仲立  
為之久復革萬厯初張位始請復設江陵相定議以  
修撰編檢史官充日講者日輪一員記注起居兼錄聖  
諭詔冊等今日之制即本江陵遺意也蓋明初起居注  
別為專官而萬厯後乃歸之史官爾然今制自掌院掌  
詹以下皆得充起居注官不專史官此其異也按唐六

典起居郎二人從六品上掌錄天子之動作法度以修  
記事之史屬門下省起居舍人二人亦從六品上掌錄  
天子之制誥德音以修紀言之史屬中書省此即古左  
右史之分職至明而合為一官今仍之耳

池北  
偶談

補永樂二年始選進士楊相等為庶吉士就文淵閣進  
學宣德九年命於翰林院讀書以後或間科一選或連  
科屢選或數科不選或合三科同選或重開殿試卷取  
選或限年三十五以下或不限年

吏部  
職掌

補教習庶吉士翰林院行戶部給燈油錢兵部撥皂隸  
刑部給紙劄工部撥房屋順天府給筆墨光祿寺給酒

飯

明會  
典

原京官俱不用繖惟考試官入場狀元歸第乃得用之

明良  
記

原國初庶吉士或在中書省或在文華殿後改置翰林

蓉塘  
詩話

原故事自十月朔日始賜庶吉士酒至四月晦止歲以



為常

木軒集

以上五條原在  
城市門今移改

原永樂中召試庶吉士文藝多在文華殿宣德八年上  
御文華殿召庶吉士詣文淵閣親試第其高下取十三  
人蓋因永樂之舊也

翰林記

原在宮室  
門今移改

增教習庶吉士滿漢各一人以掌院學士或內閣學士  
領其事大學士尚書侍郎之不兼掌院事者亦得掌之  
於侍讀侍講修撰編修檢討內擇學問優長者為小教

習

大典

臣等謹按庶吉士無定員每科館選後掌院學士擇其年三十以上者八九員分習

國書餘俱習詩賦館中月給廩餼以資膏火實國家培養人才之渥典也

增往時教習庶吉士未有專館就院中間曠屋宇及大堂廊廡居之為肄業之所雍正十一年

世宗憲皇帝特賜官房一區於正陽門內迤東當翰林院之西南面城門南向堂西向堂側東西屋各一堂後

左右廂東為學掌廳其西吏人居之後堂側東西屋如

外制東西廂各有樓

詞林典故

臣等謹按庶常館門榜曰

恩賜教習庶常館乾隆三十三年重加修葺

皇上御書額曰芸館培英

又按舊制門南嚮堂西嚮今新葺之門與堂皆南嚮又省去堂後之左右廂即以後堂側之東屋為學掌廳其東西廂之樓亦省惟後堂內有樓仍舊

制也

增後堂之內復有樓以貯

賜書中後堂為教習庶吉士大臣講課之所餘東西從

房皆庶吉士居之

詞林典故

臣等謹按以上各條叙翰林院

原正統七年十一月建詹事府於玉河東隄

明英宗實錄

原詹事府在皇城東玉河岸上西向左右春坊司經局

皆列署府中

春明夢餘錄

以上二條原在  
城市門今移改

增詹事府設詹事滿漢各一少詹事滿漢各一主簿屬  
焉堂之左為春坊設左右庶子掌坊事滿漢各一左右  
中允贊善滿漢各二堂之右為司經局設洗馬掌局事  
滿漢各一

大清  
一統志

增詹事兼翰林院侍讀學士銜少詹事兼侍講學士左  
庶子兼侍讀右庶子兼侍講洗馬兼修撰中允兼編修  
贊善兼檢討

大清  
會典

臣等謹按舊制滿漢少詹事各二人滿漢諭德各

二人中允贊善各四人正字各二人後陸續裁滿  
詹事一人滿漢諭德各一人滿漢中允贊善各二  
人滿正字一人乾隆十三年復裁漢少詹事一人滿  
漢諭德各一人三十六年裁漢正字一人遂為定制

增詹事府署在玉河之東西向明代所建我

朝仍其舊制門內南偏為土地祠大堂之南廳事左右  
春坊官居之北廳事司經局官居之堂之後為穿堂又  
後為退堂穿堂之南有廳事為府中官僚視事之所退

堂之後為

先師祠其旁為齋房祠前古松二株

詞林典故

臣等謹按詹事府署門榜康熙十四年重立堂內

恭懸

聖祖御書額曰德業仁義又

先師祠有碑恭鐫

聖祖康熙十六年所

賜御書存誠二字

增署內春坊題名主簿廳題名碑各一

詞林典故

臣等謹按詹事府署明黃錦石刻一尚存又近時修葺府署于主簿廳舊址得扁石曰一枝軒明王百穀書也

補詹事府署在玉河之東西向臨玉河門二重中堂五楹堂後屋三間南北夾窓連後堂其旁孔子廟廟前松二株頗奇古中為圓殿迴廊前後共二十八間左右春坊司經局前後各有堂三楹又有科房宴房印書房歲



久盡毀矣。詹事府題名碑一，崇禎十二年十一月立。詹事黃錦撰文，左春坊題名碑一，萬曆三十四年二月立。少詹事全天叙撰文，主簿廳題名記一，碑已殘闕，失撰。

書人姓氏

玉河繼馬記

原在城門今移改

原端門左有直房五間，係坊局官候朝公會及收貯卷箱之所。凡東宮官屬侍班講讀，亦於此伺候。國史唯疑原在

宮室門今移改

增翰林院記，正統十年始命內閣與六部都察院通政。

司大理寺堂上官六科掌印官會議遂為例如合會儒臣則本院詹事府左右春坊司經局國子監皆與

國朝制凡大事及章奏會議內則親王親勒大臣外則九卿詹事科道而內閣翰林院不與詹事府凡事皆得

與坊局不與

池北偶談

原明宣宗詹事府歲堂堂鴻業萬世攸傳儲副之建大本在焉咨爾詹事爾其毗輔有貳有丞庶職咸具虞舜之賢資于臣隣矧時育德而弗資人言行政事有體有要必謹大猷必以辰告譬如陟崇由下而升不急以休乃隣高明爾其敬共以引以翼毋為愼佞毋肆讒慝示爾箴規萬念勿忘克用有成邦家之光官箴

原又左右春坊箴國之大本厥惟儲副天叙所屬人  
心攸繫用輔厥德必於正人左右春坊惟其輔臣儲君  
之德曰仁與義食息言動惟道之比克舜周孔是究是明  
百度以貞其德乃成玉質琢磨乃薦宗廟豈其賢才不  
由輔導爾端爾行爾正爾心非聖不道其慎其欽  
大經大猷是匡是直國有元良維爾之續同上

原又司經局箴聖人之道具載經籍用理萬邦用凝  
庶績國有階副天下之本惟德之修惟道之盡凡厥典  
冊爾實司之爾彈爾心爾正爾思克爵之聖惟曰仁義  
擴而克之萬善斯備雜家者流反道自賢孟軻敬王不  
陳于前爾其監茲祇乃飲服日就月將是啓是沃道精  
厥躬而致于中克繙其隆時乃之功曲學阿世古人所  
戒萬慎勿忘庶  
幾無悔同上

補黃錦詹事府題名記詹事名昉於秦應劭曰詹省  
也給也言給事太子之官也明興建大本堂儲經籍名

四方名儒教太子諸王或於文華殿分直進講上亦時  
時賜宴賦詩然多兼以勲舊洪武二十二年始置詹事  
院起兵部尚書唐鉉居之後四年改名府永樂二年儲  
位初定以吏部尚書蹇義兵部尚書金忠兼領是職而  
印篆亦以是年給今所循用者是也於是兩坊經局並  
擇文學大臣為之極一時之選正統七年改府署於玉  
河之東隄其制亦因時損益詹事總理一府之事秩正  
三品少詹事協理府事秩正四品主簿典文移秩從七  
品錄事佐之秩從九品舍人職通展謁品與錄事同皆  
有常員而府丞及兩坊大學士司直司諫等官不恒設  
校書正字今為史局中書所兼官崇禎己卯春錦承之  
綰篆與井研陳公演晉江蔣公德璟同登斯堂歎曰自  
永樂迄今二百七十餘年矣前賢官於是者姓名或湮  
滅而不彰豈非明時一閱典哉適有纂修會典之役於  
是請之秘閣出典籍參考之補闕訂譌差次先後會陳  
公有掌院之命錦亦於是又量移禮部右侍郎終始其

事者蔣公之力也嗟乎天下事何者不成於協恭和衷哉試履斯堂一為寓目姓氏爵里世代皆具又從而品隲其賢否不亦昭代今昔得失之林乎玉河繼馬記補全天叙左春坊題名碑記左春坊官制定自洪武十有五年設左庶子一人正五品左諭德一人從五品左中允二人正六品左贊善二人及左司直郎二人從六品至十八年領以大學士一人正五品二十九年增其屬左清紀郎一人從八品左司諫二人從九品今官不常備亦無定員蓋國初之左春坊即今文華殿東廂也直廬在禁乃得與殿閣並置大學士今坊署則與詹事府並建于玉河東隄始正統七年也坊署故無題名萬厯中辰子承之館篆爰考掌故書諸公爵里捐貲樹石補闕典焉京師故事宜永樂定鼎後得書茲書坊洪武者志其始庶足徵也不書十五年以前者官制未定也凡本坊職事與詹事翰林互兼者畢書以右坊攝左以左坊領局者附書惟以坊銜貳國子監掌南院不莊

坊者不書 同上 以上  
五條原在城市門今修改

增徐乾學詹事府題名碑略 考官制東宮官屬置詹  
事府以統衆務置左右二春坊以領諸局三代以後英  
備於唐歷紀相沿迨我  
世祖皇帝御極初載有仍弗替惟時儲位未立官屬虛  
冗始議裁去比


皇上繼統之十有五年乃仿舊制復設是署澤州陳公  
永掌詹事予為督善規畫制度一切草創陳公命予實  
經理之二十三年冬予以侍講學士蒙

恩特賜擢用以十一月受事復修陳公之政明年遷閣  
學以去予居是職雖未久顧其始也際復設之初得從  
賢端尹後創制條綱張舉節目非同他時祇以優游坐  
受成事迨於其後又幸得備位宮僚仰見

皇上躬為表率昕夕課程親加校勘祁寒游暑不少問  
自古儲教之嚴未有如我

皇上  
者也

臣等謹按以上各條叙詹事府



欽定日下舊聞考卷六十四